

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2222 del 17/08/2021

Traduzione in ladino

Avis per l recuperament de banchèdes agricoles tradizionèles: co fèr a portèr dant la domana

Dai 16 de aost se pel portèr dant la domanes de contribut pervedudes da l'Avis 2021 per intervenc de recuperament e comedament di mures a sech e de la banchèdes agricoles tradizionèles, a valer sul Fon per la neva califcazion di insedimenc storics e del paesaje, aldò de chel che l'è stat stabilì da na deliberazion de la Jonta aproèda da pech aldò de na proponeta de l'assessor a l'urbanistica e ambient. Pel domaner l contribut, demò i privac, opuramenter la persones fisiches o aziendes agricoles e outra firmes che les é patrones de mures a sech delaite del tegnir del Trentin, e che les vel meter a jir lurieres de recuperament e comedament. Ai raions de la Val de Cembra e de la Val de Gresta scric ite tel register nazionèl di paesajes de campagna de la usanzas agricoles e de la cognoscenzes tradizionèles ge é stat rresservà l derit de prezedenza.

La domanes les pel vegnir portèdes dant con scomenz dai 16 de aost del 2021 enschin ai 15 de otober del 2021, con chesta modalitèdes:

- tras posta eletronica (zertifichèda e no) demò a la direzion serv.urbanistica@pec.provincia.tn.it;
- tras racomanèda con rezepis de return, e te chest cajo fèsc fe l stempel de l'ofize de posta che l la ciapa, al Servije Urbanistica e stravardament del paesaje;
- a man al Servije Urbanistica e stravardament del paesaje, a Trent te Strèda Mantova, 67 da les nef da doman a mesdi, opuramenter ti portie de assistenza e informazion al publich de la Proviniza autonoma de Trent loghé fora per l raion.

La documentazion che ge vel portèr dant l'è chela che l'è sun chest link:

http://www.urbanistica.provincia.tn.it/fondo_paesaggio/-privati/pagina123.html

Traduzion di Servijes Linguistics e Culturèl del Comun general de Fascia

(Traduzione a cura dei Servizi Linguistici e culturali del Comun general de Fascia)

(cdt)